

**2013 Rhif 3138 (Cy. 311)**

**TAI, CYMRU**

**Rheoliadau Grantiau Adnewyddu  
Tai (Diwygio) (Cymru) (Rhif 2)  
2013**

**NODYN ESBONIADOL**

*(Nid yw'r nodyn hwn yn rhan o'r Rheoliadau)*

Mae'r Rheoliadau hyn yn gwneud diwygiadau canlyniadol i Reoliadau Grantiau Adnewyddu Tai 1996 er mwyn ymdrin ag effaith taliad annibyniaeth y lluoedd arfog ar y profion modd ar gyfer derbyn grantiau cyfleusterau i'r anabl.

Mae'r rhain yn cynnwys: diwygiadau yn ymwneud â gostwng yr incwm asesiedig er mwyn ystyried taliadau gofal plant, diwygiadau yn ymwneud â'r hawl i breimymau penodol pan fo personau anabl neu aelodau o'u haelwydydd yn derbyn taliad annibyniaeth y lluoedd arfog, a diwygiad er mwyn diystyru taliad annibyniaeth y lluoedd arfog wrth gyfrifo incwm ac eithrio enillion.

Mae taliad annibyniaeth y lluoedd arfog yn gymwys i'r premiwm plentyn anabl pan fo'r person ifanc dan sylw yn ddigon hen i gael ei gyflogi yn y lluoedd arfog.

## 2013 Rhif 3138 (Cy. 311)

### TAI, CYMRU

#### Rheoliadau Grantiau Adnewyddu Tai (Diwygio) (Cymru) (Rhif 2) 2013

*Gwnaed* 10 Rhagfyr 2013

*Gosodwyd gerbron Cynulliad Cenedlaethol  
Cymru* 12 Rhagfyr 2013

*Yn dod i rym* 29 Ionawr 2014

Mae Gweinidogion Cymru, drwy arfer y pwerau a roddwyd i'r Ysgrifennydd Gwladol gan adrannau 30, a 146(1) a (2) o Ddeddf Grantiau Tai, Adeiladu ac Adfywio 1996(1), a drosglwyddwyd i Gynulliad Cenedlaethol Cymru(2) ac a freiniwyd bellach ynddynt hwy(3) yn gwneud y Rheoliadau a ganlyn.

#### Enwi, cychwyn a chymhwyso

1.—(1) Enw'r Rheoliadau hyn yw Rheoliadau Grantiau Adnewyddu Tai (Diwygio) (Cymru) (Rhif 2) 2013 a deuant i rym ar 29 Ionawr 2014.

(2) Mae'r Rheoliadau hyn yn gymwys o ran Cymru.

---

(1) 1996 p.53.

(2) Trosglwyddwyd pwerau'r Ysgrifennydd Gwladol o dan adrannau 30, 146(1) a 146(2) o Ddeddf Grantiau Tai, Adeiladu ac Adfywio 1996 i Gynulliad Cenedlaethol Cymru gan erthygl 2 o Orchymyn Cynulliad Cenedlaethol Cymru (Trosglwyddo Swyddogaethau) 1999 (O.S. 1999/672) ac Atodlen 1 iddo.

(3) Trosglwyddwyd pwerau Cynulliad Cenedlaethol Cymru o dan adrannau 30, 146(1) a 146(2) o Ddeddf Grantiau Tai, Adeiladu ac Adfywio 1996 i Weinidogion Cymru yn rhinwedd paragraff 30 o Atodlen 11 i Ddeddf Llywodraeth Cymru 2006 (p.32).

## Diwygio Rheoliadau Grantiau Adnewyddu Tai 1996

2.—(1) Mae Rheoliadau Grantiau Adnewyddu Tai 1996(1) wedi eu diwygio yn unol â pharagraffau (2) i (6).

(2) Yn rheoliad 2(1)(2) (dehongli) yn y man priodol mewnosoder—

““armed forces independence payment” means armed forces independence payment under the Armed Forces and Reserve Forces (Compensation Scheme) Order 2011(3);”.

(3) Yn rheoliad 19 (trin taliadau gofal plant)(4)—

(a) ar ôl paragraff (3)(d)(viii) mewnosoder—

“(ix) armed forces independence payment;”;

(b) hepgorer “or” ar ddiwedd paragraff (8)(b)(iii); ac

(c) ar ôl paragraff (8)(b)(iv) mewnosoder—

“; or

(v) in respect of whom armed forces independence payment is payable”.

(4) Yn Atodlen 1 (symiau sy’n gymwys)—

(a) ym mharagraff 12(1)(a)(i) (amod ychwanegol ar gyfer y premiwm pensynwr uwch a’r premiwm anabled), ar ôl “disability living allowance” mewnosoder “; armed forces independence payment”;

(b) ym mharagraff 13 (premiwm anabled difrifol)—

(i) yn is-baragraff (2)(a)(i) ar ôl “section 78(3) of the 2012 Act” mewnosoder “or armed forces independence payment”;

(ii) yn is-baragraff (2)(b)(i) ar ôl “section 78(3) of the 2012 Act(5)” mewnosoder “or armed forces independence payment”; a

(iii) ar ôl is-baragraff (5)(c) mewnosoder—

“; or

(d) a person receiving armed forces independence payment”;

---

(1) Diwygiwyd O.S. 1996/2890 o ran Cymru gan O.S. 2004/253 (Cy.28), O.S. 2006/2801 (Cy.240), O.S. 2010/297 (Cy.39) ac O.S. 2013/552 (Cy.62). Mae diwygiadau eraill nad ydynt yn berthnasol i’r Rheoliadau hyn.

(2) Diwygiwyd rheoliad 2(1) gan O.S. 2013/552 (Cy.62) ac o ran Cymru gan O.S. 2004/253 (Cy.28).

(3) O.S. 2011/517.

(4) Diwygiwyd rheoliad 19(3) gan O.S. 2013/552 (Cy.62). Diwygiwyd rheoliad 19(3)(d) o ran Cymru gan O.S. 2010/297 (Cy.39).

(5) Diffinnir “Deddf 2012” yn y Prif Reoliadau fel “Deddf Diwygio Lles 2012”.

(c) ym mharagraff 13A (uwch bremiwm anabledd)(1), ar ôl is-baragraff (c) mewnosoder—

“; or

(d) armed forces independence payment is payable,”;

(d) ym mharagraff 14 (premiwm plentyn anabl) ar ôl is-baragraff (1)(d) mewnosoder—

“; or

(e) is a young person who is in receipt of armed forces independence payment”;

(e) ym mharagraff 15(2)(b) (premiwm gofalwr)(2) ar ôl “section 78(3) of the 2012 Act” mewnosoder “or armed forces independence payment”.

(5) Yn Atodlen 1A (symiau sy'n gymwys ar gyfer personau sydd wedi cyrraedd yr oedran sy'n eu gwneud yn gymwys i gredyd pensiwn y wladwriaeth, neu y mae eu partner wedi cyrraedd yr oedran hwnnw)(3)—

(a) ym mharagraff 7 (premiwm anabledd difrifol)—

(i) yn is-baragraff (2)(a)(i) ar ôl “section 78(3) of the 2012 Act” mewnosoder “or armed forces independence payment”;

(ii) yn is-baragraff (2)(b)(i) ar ôl “section 78(3) of the 2012 Act” mewnosoder “or armed forces independence payment”;

(iii) ar ôl is-baragraff (5)(c) mewnosoder—

“or

(d) a person receiving armed forces independence payment”;

(b) ym mharagraff 8 (uwch bremiwm anabledd) ar ôl paragraff (b) mewnosoder—

“or

(c) in respect of a young person, armed forces independence payment is payable,”;

(c) ym mharagraff 9 (premiwm plentyn anabl) ar ôl paragraff (9)(1)(d) mewnosoder—

“; or

(e) is a young person in receipt of armed forces independence payment”.

---

(1) Amnewidiwyd paragraff 13A o ran Cymru gan O.S. 2010/297 (Cy.39).

(2) Diwygiwyd paragraff 15(2) gan O.S. 2013/552 ac o ran Cymru gan O.S. 2004/253 (Cy.28).

(3) Diwygiwyd Atodlen 1A gan O.S. 2013/552 (Cy.62), ar ôl iddi gael ei mewnosod o ran Cymru gan O.S. 2006/2801 (Cy.240).

(6) Yn Atodlen 3 (symiau sydd i'w diystyru wrth benderfynu incwm ac eithrio enillion), ym mharagraff 5, ar ôl “disability living allowance” mewnosoder “armed forces independence payment”.

*Carl Sargeant*

Y Gweinidog Tai ac Adfywio, un o Weinidogion  
Cymru

10 Rhagfyr 2013